

Powšitkowne WOZJEWJENJA

njedźelu, 10. nowembra 2013

Klankodźiwadło a Boža mša w Drježdźanach

Serbja, jich přiwuzni a přećeljo su wutrobnje přeprošeni na Božu mšu njedźelu, 10. nowembra, w 17 hodź. do cyrkwy swjateho Antonija w Drježdźanach, Bünauska 10. Božu mšu swjeći z nami farar Gabriš Nawka. Hižo w 16 hodź. předstaji Budyske Němsko-Serbske ludowe dźiwadło we wosadnicy na tamnišej farje klankodźiwadłowu hru „Cowboy Tom abo dyrdomdej ze zaka“. Wosebje serbske swójby z dźěćimi su wutrobnje přeprošeni.

Marjana Bubnerjec

Kemše z Litoměřickým biskopom w Drježdźanach

K zakónčenju 15. česko-němskich kulturnych dnjow změje Litoměřicki biskop Jan Baxant tutu njedźelu, 10. nowembra, Božu mšu w Drježdźanskej katedrali. Na kemšach, česce a němsce wuhotowanych, wobdźěli so tež generalna konsulka Českeje dr. Jarmila Krejčíková.

Patronatne kemše w Njebjelčicach

Patronatna Boža mša na swjateho Měrcina budže pónđzelu, 11. nowembra, w 9 hodź. w Njebjelčicach. Swjedźenske předowanje změje farar Andreas Lorenz z Gardelegena. Po kemšach móža so wěriwi z relikwiju swjateho Měrcina žohnować dać.

Zhromadny dzeń za přenjowoprawjenske dźěći

Dekanatne dušepastyrstwo přeprošuje wšitke dźěći, kotraž so na přenje swjate woprawjenje přihotuja, na zhromadny dzeń pod hesłom „Cool kadla – fecich holca“ srjedu, 20. nowembra, wot 9.00 do 15.00 hodź. do Njebjelčic. Započatk je z Božej mšu w cyrkwi. Zajimcy njech so prošu hač do srjedy, 13. nowembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždého wobdźělnika přinošk, kotryž wučinja tři eura.

Přeprošenje na Mačićnu akademiju

Dr. Jens Buliš, teologa a cyrkwinski stawiznar z Chrósćic, změje štwórtk, 21. nowembra, w 19.30 hodź. w Budyskim hosćencu „Wjelbiku“, Žitna 7, přednošk k temje „Mišnjanska a Hornjołužiska załožba za chudych Serbow. K 300. narodninam jeje załožičela Jana Michała Budarja (1713–1789).“ Přednošować budže w němskej řeči. Zastup je darmotny.

Hromadža hodowne dary

Towarstwo swjateje Filomeny z.t. chce tež lětsa dźěći a swójby w českim Jiřetínje, w bołharskim měsće Razgradze a wokolnych wsach z hodownymi pakćikami zwjeselić. Jich wobsah njeje předpisany. Móžne pak su na přikład kakaw, slódkosće, wosušk, hrajki a pisanski material. Derje by było, by-li na pakćiku napisane bylo, za koho a w kotrej starobje wón je. Wotedać móža so pakćiki wot pónđzele do štwórtka, 25. do 28. nowembra, stajnje wot 17 do 18 hodź. w Smjerdžečanskim kulturnym domje. W tutym času přijimuju tohorunja derje zdđeržanu drastu, črije, počehnjenja a hrajki, kotraž měli so do kartonow spakować. Dalša móžnosć podpěry su pjenježne dary, z kotrychž ma so transporter za wjacore dźěćace a socialne stacije kupić. Nadrobniše informacije k lětušej hodownej akciji Towarstwa swjateje Filomeny poda předsyda Gerat Róbl, telefonowe čisło (03 57 96) 9 65 40.